



Broj: 0101-3935-8-LOT.1./17
Sarajevo, 28. 06. 2017. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog konkurentskog zahtjeva za dostavljanje ponuda za javnu nabavku usluge-LOT 1: OSIGURANJE ZAPOSLENIKA OD NEZGODE, na preporuku Komisije za javnu nabavku broj: 0101-3935-6-LOT.1./17 od 28. 06. 2017. godine, rektor Univerziteta u Sarajevu je d o n i o

ODLUKU
o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-3935-6-LOT.1./17 od 28. 06. 2017. godine i ugovor o javnoj nabavci usluge-LOT 1: OSIGURANJE ZAPOSLENIKA OD NEZGODE, dodjeljuje ponuđaču VGT Osiguranje d. d. Alaudin 1, 71300 Visoko, čija ukupna cijena ponude iznosi 15.011,52 KM bez PDV-a (slovima: petnaesthiljadajedanaest KM i 52/100), iz razloga što je u postupku konkurentskog zahtjeva za dostavljanje ponuda, ponuđač ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javne nabavke broj: 0101-3935-1/17 od 07. 06. 2017. godine, Univerzitet u Sarajevu je pokrenuo postupak konkurentskog zahtjeva za dostavljanje ponuda za javnu nabavku usluge-Osiguranje zaposlenika od nezgode, osiguranje imovine i osiguranje motornih vozila.

Predmetna javna nabavka je podjeljena na lotove:

Lot 1: Osiguranje zaposlenika od nezgode

Lot 2: Osiguranje imovine

Lot 3: Osiguranje motornih vozila

Za provođenje postupka predmetne javne nabavke, Odlukom broj: 0101-3935-2/17 od 07. 06. 2017. godine, imenovana je Komisija za provođenje postupka javne nabavke.

Obavještenje o nabavci broj: 999-7-2-123-3-19/17 objavljeno je na Portalu javnih nabavki dana 09. 06. 2017. godine. Istog dana, na Portalu javnih nabavki objavljena je i Tenderska dokumentacija broj: 0101-3935-3/17.

Iz Zapisnika Komisije za javne nabavke o pregledu i ocjeni ponuda (LOT 1.), vidljivo je da je konkurentski zahtjev za dostavljanje ponuda dana 09. 06. 2017. godine, upućen na adrese slijedeća tri ponuđača:

TRIGLAV OSIGURANJE d. d. Dolina 8, 71 000 Sarajevo
VGT Osiguranje d. d. Alaudin 1, 71300 Visoko
SARAJEVO OSIGURANJE d. d. Čobanija 14, 71 000 Sarajevo.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: "ZOVKO OSIGURANJE" D.D. ŽEPČE, WIENER OSIGURANJE VIG AD, Infostrim d.o.o., BBS Europe, ASA OSIGURANJE D.D. SARAJEVO, ekapija doo, Euroherc osiguranje dd, SARAJEVO-OSIGURANJE D.D., Triglav Osiguranje d.d., DD za osiguranje VGT Visoko, UNIQA osiguranje d.d. Sarajevo i BOSNA-SUNCE OSIGURANJE D.D. SARAJEVO.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da u periodu koji je ostavljen za dostavljanje ponuda, od strane potencijalnih ponuđača, nije bilo postavljenih pitanja i zahtjeva za pojašnjenje Tenderske dokumentacije broj: 0101-3935-3/17 od 09. 06. 2017. godine, u dijelu koji se odnosi na LOT 1.

Iz Zapisnika Komisije za javnu nabavku je vidljivo da su do krajnjeg roka za dostavljanje ponuda (21. 06. 2017. godine do 10,00 sati) zaprimljene ponude slijedećih ponuđača:

-ZOVKO Osiguranje d.d. Goliješnica bb, 72230 Žepče
-VGT Osiguranje d. d. Alaudin 1, 71300 Visoko.

Iz Zapisnika Komisije za javnu nabavku je vidljivo da je dana 21. 06. 2017. godine u 10,15 sati izvršeno javno otvaranje prispjelih ponuda.

Na javnom otvaranju ponuda nije bilo prisutnih predstavnika ponuđača.

Zapisnik sa javnog otvaranja ponuda je, u zakonskom roku, upućen putem pošte svim ponuđačima koji su blagovremeno dostavili ponude.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije za javnu nabavku je vidljivo da se Komisija sastala dana 27. 06. 2017. godine, radi pregleda i ocjene ponuda, odnosno da bi utvrdila da li ponuđači ispunjavaju uslove iz člana 45. do 50. Zakona o javnim nabavkama, koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za nabavku predmetnih usluga.

Iz Zapisnika Komisije za javnu nabavku je vidljivo da je ponuđač ZOVKO Osiguranje d.d. Goliješnica bb, 72230 Žepče dostavio Uvjerenje Kantonalnog poreznog ureda Zenica, Porezna ispostava Žepče od 12. 06. 2017. godine, kojim se potvrđuje da su preko 50 % uposlenih poreznog obveznika ZOVKO Osiguranje rezidenti BiH. Tačkom 25. Tenderske dokumentacije, Ugovorni organ je utvrdio:

„U svrhu dokazivanja da ispunjavaju uslove za primjenu preferencijalnog tretmana domaćeg ponuđači su obavezni dostaviti:

-Potvrdu Vanjskotrgovinske komore ili druge nadležne privredne komore da najmanje 50% radne snage za izvršenje ugovora su rezidenti iz Bosne i Hercegovine.

Za Ugovorni organ je prihvatljiva samo Potvrda o preferencijalnom tretmanu domaćeg koja glasi na konkretan predmetni postupak nabavke, broj obavještenja o nabavci objavljenog od strane Univerziteta u Sarajevu i koja glasi na ponuđača koji je dostavio ponudu.”

Ponudač ZOVKO Osiguranje d.d. Goliješnica bb, 72230 Žepče nije dostavio Potvrdu o ispunjavanju uslova za primjenu preferencijalnog tretmana domaćeg, kako je traženo tačkom 25. Tenderske dokumentacije, pa je Komisija za javnu nabavku ocijenila da ponuda ponuđača neće biti odbijena, ali da ponudač ZOVKO Osiguranje d.d. Goliješnica bb, 72230 Žepče neće uživati preferencijalni tretman domaćeg.

Komisija za javnu nabavku je nakon pregleda i ocjene ponuda utvrdila da u predmetnom postupku javne nabavke za LOT 1: OSIGURANJE ZAPOSLENIKA OD NEZGODE, nema ponuđača koji se isključuju zbog neispunjavanja uslova za kvalifikaciju.

Iz zapisnika Komisije za javnu nabavku je vidljivo da je Komisija provjerila računsku ispravnost dostavljenih ponuda i utvrdila da u ponudama ponuđača nije bilo računskih grešaka.

Komisija za javnu nabavku je, prema kriterijumu najniža cijena, sačinila rangiranje prihvatljivih ponuda ponuđača na slijedeći način:

| R. br. na rang listi | Naziv i sjedište ponuđača | Ponuđeni popust | Ukupna cijena ponude KM bez PDV-a | Ukupna cijena ponude nakon primjene preferencijalnog tretmana domaćeg (-10 %) KM bez PDV-a |
|----------------------|---|-----------------|---|--|
| 1. | VGT Osiguranje d. d. Alaudin 1, 71300 Visoko | 0,00 % | 1.250,96 (mjesečno) 0,00 PDV 15.011,52 (12 mjeseci) | 1.125,86 (mjesečno) 13.510,36 (12 mjeseci) |
| 2. | ZOVKO Osiguranje d.d. Goliješnica bb, 72230 Žepče | 0,00 % | 1.593,72 (mjesečno) 0,00 PDV 19.124,64 (12 mjeseci) | - |

Komisija za javnu nabavku je utvrdila da je cijena ponude ponuđača VGT Osiguranje d. d. Visoko za više od 20 % niža od cijene ponude ponuđača ZOVKO Osiguranje d.d. Goliješnica bb, 72230 Žepče, pa je u skladu sa članom 66. stav (1) Zakona o javnim nabavkama BiH i članom 17. stav (7) tačka b) Uputstva za pripremu modela tenderske dokumentacije i ponuda, dana 27. 06. 2017. godine uputila zahtjev ponuđaču VGT Osiguranje d. d. Visoko za obrazloženje ponuđene cijene, odnosno detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene.

Komisija za javnu nabavku je konstatovala da je ponudač VGT Osiguranje d. d. Visoko, dana 28. 06. 2017. godine dostavio pismeno obrazloženje cijene ponude za LOT. 1.

Ponuđač VGT Osiguranje d. d. Visoko je u obrazloženju naveo da je kalkulaciju premija osiguranja zaposlenika Univerziteta u Sarajevu pripremio na bazi izvršene procjene rizika, uzimajući u obzir obim traženog pokrića (traženi rizici), visinu traženog pokrića (osigurane sume), broj osiguranika, vrstu djelatnosti osiguranika (administracija) i ostvareni tehnički rezultat u prethodnom periodu osiguranja, a u skladu sa važećom tarifom za osiguranje lica od posljedica nesretnog slučaja (nezgode). U obrazloženju je dalje navedeno da ugovor o reosiguranju osoba od posljedica nesretnog slučaja za 2017. godinu, koji je zaključio sa Bosna Reosiguranjem d.d. Sarajevo obezbjeđuje maksimalnu sigurnost isplate štete za sve osigurane slučajeve uz korištenje kapaciteta, finansijske snage i znanja nekih od vodećih svjetskih reosiguravača. Na kraju je istaknuto da je ponuda ponuđača VGT Osiguranje d. d. Visoko pripremljena u skladu sa definisanim zahtjevima javne nabavke i pravilima struke, efikasnijom primjenom odredbi važećih uslova i tarifa za osiguranje lica od posljedica nesretnog slučaja (nezgode).

Nakon analize dostavljenog obrazloženja ponuđene cijene, Komisija za javnu nabavku je ocijenila da je ponuđač VGT Osiguranje d. d. Visoko, u skladu sa zahtjevima iz Tenderske dokumentacije, dostavio zadovoljavajuće obrazloženje cijene ponude na osnovu kojeg je Komisija ocijenila da će ponuđač biti u mogućnosti izvršiti uslugu po ponuđenoj cijeni, odnosno da će obezbijediti maksimalnu sigurnost isplate šteta za sve osigurane slučajeve iz Tenderske dokumentacije.

Komisija za javnu nabavku je dala preporuku rektoru Univerziteta u Sarajevu da za nabavku usluge LOT 1. OSIGURANJE ZAPOSLENIKA OD NEZGODE za potrebe Univerziteta u Sarajevu, donese odluku o izboru najpovoljnijeg ponuđača i dodjeli ugovor ponuđaču VGT Osiguranje d. d. Alaudin 1, 71300 Visoko, čija ponuda je, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od 15.011,52 KM bez PDV-a (slovima: petnaesthiljadajedanaest KM i 52/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LJJEKU:

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor


Prof. dr. Rifat Škrijelj



Dostaviti:

1. VGT Osiguranje d. d. Alaudin 1, 71300 Visoko
2. ZOVKO Osiguranje d.d. Goliješnica bb, 72230 Žepče
3. Prorektor za finansije
4. Generalni sekretar UNSA
5. Služba za računovodstvo i finansije UNSA
- ⑥ u evidenciju javnih nabavki
7. web stranica UNSA
8. a/a

Prilog: Zapisnik o pregledu i ocjeni ponuda